


’n Kennisgewing


Naam:

’n Kennisgewing word gebruik om spesifieke inligting vir ’n spesifieke groep mense oor te dra. Dit is ’n formele manier van kommunikasie, terwyl ’n advertensie en ’n strooibiljet informele kommunikasie is. Kennisgewings van die regering kan in koerante gevind word. In skole word kennisgewings gewoonlik op aansteekborde vasgesteek. Kom ons kyk hoe lyk ’n kennisgewing.

Die anatomie van ’n kennisgewing:

Anatomie verwys na hoe iets gebou of aanmekaar gesit is. Dit verwys na al die verskillende dele wat iets uniek maak. Ons gaan dus kyk na hoe ’n kennisgewing lyk en uit watter dele ’n kennisgewing bestaan.

<p>Laerskool Sonskyn Lentestraat, Vryheid</p>	<p>Naam van die organisasie of plek wat die kennisgewing uitreik</p>	
<p>18 Oktober 2018</p>	<p>Datum</p>	
<p>KENNISGEWING</p>		
<p>Aandag alle hondeliefhebbers!</p>		
<p>Laerskool Sonskyn hou hulle jaarlikse fondsinsameling vir Vryheid DBV op 1 Desember 2018 op die Laerskool Sonskyn se sportvelde. Die fondsinsameling begin om 09:00.</p>		<p>Onderwerp/ vir wie die kennisgewing geskryf is</p>
<p>Honde is welkom! Trek jou gemaklikste stapskoene of tekkies aan vir ’n 5 km-pretloop. Daar sal ook kosstalletjies, springkastele, waterglybane en ’n mark wees. Advertensies en inskrywingsvorme sal op ’n latere datum volg.</p>		<p>Inligting</p>
<p>Besighede wat pryse wil borg of stalletjies wil oprig, is welkom om met die skoolhoof kontak te maak.</p>		
<p>Vir verdere inligting, kontak asseblief die ondergetekende.</p>		
	<p>Kontakpersoon</p>	
<p>Meneer Du Toit Laerskool Sonskyn, Skoolhoof</p>		



Beantwoord die vrae:

1. Deur wie is die kennisgewing uitgereik?

2. Wat is 'n hondeliefhebber?

3. Wat beteken dit as iets jaarliks gedoen word?

4. Sal jy Laerskool Sonskyn se fondsinsameling wil bywoon? Hoekom of hoekom nie?

5. Waar sal 'n mens Laerskool Sonskyn se kennisgewing vind?

6. Waarvoor staan die afkorting km?

7. Verdeel die volgende woorde in lettergrepe:

a. kosstalletjies _____

b. springkastele _____

c. waterglybane _____

d. advertensies _____

e. inskrywingsvorme _____

8. Wat beteken dit as iets op 'n latere datum sal volg?

9. Wie is die ondergetekende in hierdie kennisgewing?

10. Wat doen Laerskool Sonskyn om die gemeenskap te help?

11. Dink jy dat dit goed is vir kinders om te sien wat dit beteken om jou gemeenskap te help? En dink jy kinders moet aktief deelneem aan die opbou en ondersteuning van hulle gemeenskappe? Verduidelik jou antwoord.

12. Onderstreep die regte waardes.

in Fondsinsameling waar in skool sy gemeenskap help, leer vir kinders die volgende waardes:

omgee selfsug vrygewigheid verantwoordelikheid

